

VITA
CLARISSIMI PHILOSOPHI ET MEDICI EX

CELLENTISSIMI CONRADI GESNERI Tigurini, conscripta à IOSIASIMLERO Tigurino.

ITEM, *Epistola Gesneri de libris à se editis. Et Carmina complura in obitum eius conscripta.*

HIS ACCESSIT

CASPARI VVOLPHII Tigurini Medici & Philosophi HYPOSCHESES, siue, de CON. GESNERI Stirpium historia ad IOAN. CRATONEM S. CAES. Maiest. medicum excellentif. Pollicitatio.



TIGVRI Excudebat Froschouerus, 1566.

iudicium esse exactissimum, & nominis gloriam & auctoritatem esse maximam, quæ operi non vulgarem commendationem afferre posset.

Posteaquam quæ eius fuerint studia exposui, venio nunc ad vitam & mores: & quoniam pietas in Deum veraque religionis studium, in hominis vita principem locum tenet, ab eo ordiatur, & quis eius de religione sensus fuerit exponam. Primum itaque existimabat omnem de religione doctrinam ex sacris literis esse petendam, ideo eas libenter & sæpe legebat, præcipuè tamen Psalmorum lectione afficiebatur, quos sæpe Hebraicè legebat: plurimum etiam Apollinarij Græca paraphrasi delectabatur. Deinde cum magna soleat esse veterum auctoritas, qui quondam melioribus ecclesiæ temporibus floruerunt, si quid haberet ocij, libenter in horum lectione consumebat, præsertim Græcorum, quorum plerosque legit, quosdam etiam in Latinam linguam transtulit.

Iudicium eius
de religione.

Tanto autem studio sacras literas legit, ut de grauißimis controuersijs religionis nostræ optimè iudicare posset. Neque sententiam suam dissimulabat, sed palàm testabatur se vniuersam doctrinam nostrarum ecclesiarum, ut sacris literis & vetustis patribus consentientem, amplecti & ex animo probare. Præterea cum superioribus annis grauis controuersia de sacra trinitate exorta esset & agitata in ecclesijs Poloniæ, qua nunc quoque miserè lacerantur & vexantur eius regni plures ecclesiæ, haberet autem amicos ex illo regno doctos & nobiles viros, sæpe illis suam sententiam & coram exposuit, & scriptam dedit, ac eos ad constantem veræ doctrinæ professionem cohortatus est: atque grauißimis rationibus & scripturarum firmis testimonijs Antitrinitariorum errores damnauit. Coluit quidem multorum amicitiam qui diuersam de religione sententiam sequerentur, in nullius tamen gratiam, suam de religione persuasionem non modò non mutauit, sed ne dissimulauit quidem. Audiebat autem conciones sacras, non tantum festis diebus, sed quotiescunque Bullingerus, quem ille præ cæteris obseruabat, con-

CON. GESNERI PHILOSOPHI

cionaretur (quod præter diem dominicum bis ille in septimana se-
lebat facere) assidue intererat, plerunque secum Hebraum co-
dicem afferens, si ille librum aliquem veteris testamenti interpre-
taretur. Quamvis enim medicus esset professione, existimabat &
rectè, cognitionem veræ religionis nihilominus ad se pertinere, et
ad omnes qui modò omnibus commune nomen Christiani homi-
nis tueri velint. Statuebat etiam hunc esse præcipuum fructum
studiorum suorum qui ex illis ad usum ecclesiæ redundaret: ideo-
que in animalium historia multum laboris impendit Hebræis no-
minibus interpretandis: & ferè omnia illa loca scripturarum,
in quibus animalium mentio fit, accuratè interpretatus est, ut
ex sua professione aliquid studiosis sacrarum literarum commo-
di afferret.

Vita & mores.

Respondebat autè vita eius & mores veræ religionis profes-
sioni: summa enim in illo fuit humanitas, simplicitas, integritas:
nulla ostentatio, luxus nullus, libidinis ne vestigium quidem ap-
parebat: pudoris & verecundiæ tantâ habebat rationem, ut ob-
scœnum aliquid non modò ipse dicere, vel ab alijs audire, sed ne
legere quidem sustineret, quod satis testatur Martialis ab ipso
castratus. Ad eò autem boni mores illi curæ fuere, ut sæpe cum
grauissimis theologis consultarit, quam tandem ratione colla-
psa ecclesiæ disciplina restitui possit: dolebat enim illi ut bonis o-
mnibus, doctrina religionis à tam multis erroribus repurgata, in
morum & vitæ reformatione ad eò tardos progressus fieri.

Amicitias quo
modo coluerit

Amicitias bonorum & doctorum hominum studiose sibi com-
parauit, & summa fide atque constantia coluit. Indicant hoc non
tantum inscriptiones quamplurimæ, in quibus beneficia amicorū
celebrat et se gratiū exhibet, sed multa officia, cum priuatim tum
publicè, amicis exhibita. Quorundam enim libros ab ipsis non-
dum absolutos, post eorum obitum absoluit: aliorum scripta in-
mendata recognouit: plurima in lucem edi curauit: præfationes
addidit, aut aliquid suorum scriptorum adiunxit: multis etiam
dedit Græca exemplaria quæ illi transferrent & in lucem ede-
rent,